

Nodweddion Arddull

Cyffelybiaeth/Cymhariaeth

Gosod dau beth ochr yn ochr er mwyn eu cymharu a dangos y tebygrwydd rhyngddynt. Mae cyffelybiaeth yn cael ei chyflwyno gan y gair 'fel' neu 'mor':

e.e.

Mae'r **nos fel y frân**

Mae'r **nos mor ddu â'r frân.**

Trosiad

Trosi gair o'i ystyr lythrennol er mwyn awgrymu tebygrwydd rhwng dau beth. Mae trosiad yn debyg i gyffelybiaeth, ond nid oes angen y geiriau 'fel' neu 'mor' i'w gyflwyno:

e.e.

Mae **mynydd o gic** gan y maswr.

(Cyffelybiaeth: 'Mae gan y maswr gic sydd mor uchel â mynydd')

Personoli

Defnyddio nodweddion person i ddisgrifio rhywbeth nad ydyw'n berson:

e.e.

Mentrais i **geg yr ogof.**

Ansoddeiriau

Dyma'r geiriau sy'n cael eu defnyddio i ddisgrifio enwau:

e.e.

Ar noson **dywyll** mae'r seren mor **ddisglair.**

Cyflythrennu

Ailadrodd yr un sain ar ddechrau geiriau sy'n dilyn ei gilydd neu sy'n agos iawn at ei gilydd:

e.e.

'Dan **heulwen hydref**, mae'r **dail yn dawnsio.**'

Sylwer: weithiau mae'r un ymadrodd yn gallu cynnwys mwy nag un nodwedd arddull. Nid yn unig y mae 'dail yn dawnsio' yn cynnwys cyflythrennu, mae hefyd yn enghraifft o drosiad ac o bersonoli.

Gwrthgyferbyniad

Gosod delweddau neu syniadau nesaf at ei gilydd er mwyn amlygu'r gwahaniaeth rhyngddynt:

e.e.

'Mae'r awyr mor fawr a minnau mor fach.'

Synhwyrâu

Mae beirdd yn hoff o nodi ymateb y synhwyrâu i ryw brofiad neu ei gilydd, er mwyn dod â'r profiad hwnnw yn fyw i'w darllenwyr:

e.e.

Mor **oer** yw **sgrechian** yr **wylan wen**.
ac **oglau'r gwymon** mor **hallt** â'r pren.

Onomatopoeia

Gair, neu gyfuniad o eiriau, lle mae'r sŵn yn adlewyrchu'r ystyr:

e.e.

'Rwy'n ofni **crawc** y frân?'

neu

'Gan ysgwyd yr hwyliâu, nid **siffrwd** mae'r gwynt
ond **chwiban** a **gwichian** yn gynt ac yn gynt?'

Ailadrodd

Defnyddio'r un gair neu eiriau fwy nag unwaith er mwyn creu effaith arbennig:

e.e.

'**Dagrau** du yw'r **dagrau** hynny,
dagrau sydd yn gwrthod sychu.'

Cwestiwn rhethregol

Cwestiwn i greu argraff, cwestiwn nad oes angen ei ateb:

e.e.

'Pwy all gyfri'r sêr uwchben?'

Cynghanedd

Crefft unigryw y beirdd Cymraeg, crefft sy'n cyfuno odli mewnol ac ailadrodd cytseiniaid yn eu trefn. Mae pedwar math o gynghanedd:

- (i) Cynghanedd groes, e.e. 'Mi rwyfais ym maw'r afon'
- (ii) Cynghanedd draws, e.e. 'Mi rwyfais lle mae'r afon'
- (iii) Cynghanedd sain, e.e. 'Heriais, rhwyfais yr afon'
- (iv) Cynghanedd lusk e.e. 'Mi heriaf byllau'r afon'

Cynghanedd Groes

Egwyddor cyffredinol (i) yw bod y cytseiniaid yn rhan gyntaf y llinell yn cael eu hailadrodd yn yr un drefn yn yr ail ran:

e.e.

Mi rwyfais ym maw'r afon = m r f / m r f

Cynghanedd Draws

Egwyddor cyffredinol (ii) yw bod y cytseiniaid yn rhan gyntaf y llinell yn cael eu hailadrodd yn yr un drefn yn yr ail ran, ond bod hawl anwybyddu unrhyw gytseiniaid ar ddechrau'r ail ran er mwyn cyrraedd yr ailadrodd hwnnw:

e.e.

Mi rwyfais lle **mae'r** afon = m r f / (ll) m r f

Cynghanedd Sain

Egwyddor cyffredinol (iii) yw bod tair rhan iddi, a bod diwedd rhan 1 yn odli â diwedd rhan 2, a bod y cytseiniaid yn y gair ar ddiwedd rhan 2 yn cael eu hailadrodd yn rhan 3:

e.e.

Heriais **rhwyfais** yr afon = 1 odl 2 odl + r f 3 r f

Cynghanedd Lusg

Egwyddor cyffredinol (iv) yw bod y gair ar ddiwedd rhan gynta'r llinell yn odli gyda sillaf olaf ond un y gair ar ddiwedd yr ail ran:

e.e.

Mi heriaf byllau'r afon